

# ХАНТЫ ЯСАҢ



www.khanty-yasang.ru

ПЯТНИЦА

24 октября 2014 года

№ 20 (3416)

Основана 1 ноября 1957 года

## Ёмвошн увас ёх еманхятл вэс



И. Самсонова, верумхур

Тәм  
номерән  
лұңтаты

6

Сәрханл хәнтэт  
Ас тый ики  
йис мұва  
янхсәт

8-9

Увас мир  
арәң-якәң  
ёх Ёмвошн  
әктәщийдсәт

10

Хутыса Шәншвош  
кәртән хәнты мир  
йис пурмәсәт ша-  
виты хот рәпитл

14

Хутыса Манстәр  
районән Карым  
кәртән шуши ёх  
вәлдәт

16

Песиковәт рәт  
эвәлт айдат  
хәнтэт вәлупсы  
олаңан

8-9

Муй ширн тәм 2014-мит одн Югра луватн мўвәт-йиңкәт давәлсыйт, ши оләңән Ёмвош РИЦ «Югра» немуп айкедәт әкәттү хот йитн округев Природнадзор тәхи кәщә хә Сергей Пикунов телевиденияйн, радивайн па газета-итн рәпиттү хуятәта тәмәщ айкедәт верәс.

## Мўвәт-йиңкәт давәлты оләңән

– Сырья вўтышәлум лупты, муй ширн тәм 2014-мит од мәр мўң хущева мўвәт-йиңкәт давәлты хуятәт рәпитсәт па муйсәр верәт ямәдсәт. Тәм одн мўң әхлүв шурәс араткем арсыр вер тўңматсәт. Хәлум шурәс ветсот административной вевтам верәт Югра мўв луватн вәлты хуятәт версәт. Хәлум шурәскем наклат вух тәм щосн хәннехуятәт тәп сухуптәсәт. Ши әх, мәта утәт сапла пунум вухәт ән дәнхаләт сухуптәты, дыв пиләла округев сўт хуятәт елды рәпиттү питләт. Хәлумсот мултас сапла пунум вух, щит кәт миллиард мултас шойт вух арат арсыр округев рәпиттү тәхета мәсүв, ләдн дыв елды мўвәт-йиңкәт ал нәхдытсәт.

Юводәңән Югра мўвев Природнадзор тәхи кәщә хә Сергей Пикунов путәртәс, муй ширн округев хуятәт арсыр ән мосты пурмәсәт ияхә әкәттү тәхет оләңән дыв едәшәңк ар айкед верләт. Щит пәта дыв хущеда рәпиттү әх ищиты арсыр верәт ямсыева арталәсәт па елды округев ай кәртәт па вән вошәт лепн щимәщ тәхет ләщәттү па ән питлдыйт. Мәта тәхет хўвн версыйт, щитәт па нух вўдыйт, ләдн мўң вәлты-холты мўвев-йиңкев иса сыстам ат вәс.

Владимир ЕНОВ

## Югра мўв эвәлт вәнлтыйлдәт

*Белоруссия мўв хон Минск вошн «Аренда жилой недвижимости» немпи V-мит мўвтед мирхотн Югра мўв оләңән путәртсы, хуты мўң хущева арендной хотәт омәсты оңитсыйт.*

Васы мәнты тыләщ оләңмит хәтләтн Нефтеюганск вошн щимәщ хотәтн вәлты мир ту-

ман нялум еша холумтсәт. Ши хот Югра мўв ипотечной агенства вух унтәсн омәссы. Ин Сәрханлвошн

– кәт, Ёмвош – и ищимәщ хот омәсты оңитсы.

**Хәнты ясәңа тулмащтәс Людмила СПИРЯКОВА**

## Югра кәщәйт «Сорни сўс» Гран-при мойлупсы еша холумтсәт

*Ши оләңән Геннадий Бухтин кәщәйт мирхот пурайн ай тәс. Васы мәнты тыләщ 8-11-мит хәтләтн Москва хон вошн «Сорни сўс» немпи Россия мўвтед XVI-мит вандтупсы мәнәс. Щәта иса Россия мўвәт эвәлт 23 мўв хәр рәпата вер тәты тәхи әх рәпитсәт.*

Югра мўв эвәлт ищимәщ тәхет әх 12 мевд пос еша холумтсәт. Щиты, сорни мевд посәт хот войт тәйтү кәтңән, щит Нижневартвской районән В.Б. Водопьянов па Югорск вош эвәлт Е.В. Багаева, Ёмвошәң па Нуви сәнхум вошәң хўд эвәлт арсыр епләң детут кавәрттү тәхәңән әх еша павәтсәт.

Щел вух мевд посәт холумтсәт: Ёмвош рай-

он хот войт тәйтү тәхи кәщә не С.В. Веретельникова, Нижневартвской район В.Б. Водопьянова, Ёмвошәң «Югралесхоз» юх сәвәрттү тәхи әх па «Обь-регион» немпи хот тухләң войт тәйтү тәхи әх.

Пәтәрух мевд посәт еша холумтсәт: Югорск вош па Сәрханл район хот войт тәйтү неңңән Е.В. Багаева па С.Н. Портакно, Нижневартвской

районән лўв саттәла вер тәйтү хә А.С. Азаров па Ёмвошәң «Югралесхоз» юх сәвәрттү тәхи әх. Арсыр хўдәт эвәлт епләң детут кавәрттү тәхи кәщә М.М. Даибекв ишәкты непек еша катлуптәс.

Округ правительствә кәщәйт «Сорни сўс» вандтупсыйн Гран-при мойлупсыйн мойләсыйт. Вандтупсыйн мўң округев хәрәтн 13 тәхи әх арсыр епләң детутәт альман вәсәт, щит 40-сыр нюхи па хўд детут, 15-сыр мултас мис есум йиңк, арсыр епләң воньщүмутәт па нохәр семәт.

**Хәнты ясәңа тулмащтәс Людмила ШУЛЬГИНА**

## Югра мўвн йилуп поңхәң шар талты ут эвәлт 8 хуят әнтәма йис

*Югра мўв наркотик па атум утәт вантман тәйтү тәхи әх кәщә хә Алексей Якименко айкедәт ләщәттү хуятәта ай павтәс, хуты лыпәт хойты тыләщ 19-мит хәтл вўш эвәлт 27-мит хәтл вәнта Сәрханл вошн па Сәрханл районән йилуп поңхәң шар талты ут эвәлт 170 хәннехәя атма йис. Ши күтн нивәл хуят сурма питәс.*

Кәщә хәев ясәт эвәлт уша йис, хуты ши хәтләт мәр тәм тәхийн рәпиттү әх сора вән па мосты рәпата версәт. Хәлумъян мултәс хәннә тәйтү тәхи шиваләсәт па ләп тәхәрсәт. Щәлта полици әхн мет апрәң вет хорахщи хә кәтәдсы, дыв хущеда 1,5 кила мултас поңхәң шар вәйтсы па

нух вўсы.

Ши тумпийн уша версы, хуты поңхәң талты ут – щит «метиловой эфир – 2» немпи ут. Щит йилуп шар талты турн, сырья Югра мўвн щит ән талсы.

Поңхәң хуятәт округева немасыя юхәтсәт. Сәрханл вошн дыв вәлты хот па машинайт давәдман тәйтү тәхи вух

сәты мултү арат хәтлә вўсәт. Щәлта «скотч» немпи хунупсәң кел, ай хирьет, «ромашка» аня лыптәт па ацетон, белизна немпи утңән ләтсәт, ләдн тәм пурмәсәт эвәлт поңхәң шар верты па тыныты.

Лыпәт хойты тыләщ 29-мит ат күтүпн мет вулан нял хорахщи хуят кәтәдсы. Дыв атадн ләнхасәт ям арат талты ут тыныты. Тохтүрәт ясәт ширн, ши верн сот мултас хәннехә веритәс атма йиты. Тәмхәтл ши хорахщи хуятәт кәсна хотә омәссыт.

Ирина САМСОНОВА

## Округ дума 37-мит мирхот

*Ай тэхет потты тыдэщн Ёмвошн дума 37-мит мирхот вэс. Депутатат 20-кем вер нух вантсат.*

Мет олаң па мосты вер, щит 2014-мит ода вўном округ бюджет йилпатты олаңан. Бюджета юхатты па тэруптаты вухат 818,5 миллион шойта вэна йилдэт. Там вухат социальной, хот омэсты, нявремэт вэндтаты па вой-хўд енмэдты верата мандэт.

Манум дума мирхотн округевн «общественный контроль» олаңан поступсы вўсы. Щит общественной палата, округ дума общественной совет па па оса тэхет вантты питлдэт, муй щирн сыр-сыр кэща ёх арсыр поступсэт щирн рэпитлдэт.

Российской Федерация налогат вўты поступсыя йилуп непек ханшсы, щит «Налог на имущество физических лиц». Щи поступсы хўват налогат кадастровой тын щирн вўты питдыт. Щит муйсэр кадастровой тын вэдты хотат, хот йитат, гаражат муй па па мулды утат тайлдэт ши тын эвэлт налог вух лўнэтлды. Щит верлы, лэдн бюджета аршак вух ат юхтас.

Ёмвош округ прокурор А.Ф. Кондратьев ясаң тэс, муй щирн мўевн вевтам верат тўнматдыт.

## Округ бюджет олаңан путартсат

*Депутатат правительства ёх пида «депутат-ской слушания» вэйтантупсы верантсат. Щата дыв йилуп 2015-мит ода па елды 2016-2017-мит олаңан пата вўты бюджет щират нух вантсат.*

Мирхот пўншты пураин дума кэща хэ Б. Хохряков лупас, там вэйтантупсийн дыв ямсыева мосты верат нух вантдэт па йилуп бюджет вўты пураин щит щив ханшлэт.

Экономической развития департамент кэща хэ П. Сидоров путартас, 2014-мит од олаң од шеп мэр округев Россия мўвэт кўтн социально-экономической развития щирн нядмит тэхия питас. Елды лўв лупас, хути йилуп 2015-2017-мит одата социально-экономической прогноз дыв кат щирн лўнэтсат.

Щит мосл, лэдн мирев пата арсыр там йис шэк верат кеншак а т мандэт.

Йилуп бюджет мўв илпи питы вуй мўвтед тыната вантман вўты питды. 2015-мит одн и баррель питы вуй тын 91 американской доллар вуха йил. 2016-2017-мит олатн – 90 доллар и баррель пата.

Юводанан П. Сидоров лупас, лэдн Югра мўев елды яма па ташана ат вэс, арсыр рэпата тэхет па рэпитты щўнкат йилпатты па экономика верат нух алумты мосл.

## Сўматвош мир пида вэйтантыдас

*Там ванан округ дума депутат Татьяна Гоголева Сўматвош района яңхас. Игрим вошн па Анеева кэртан мир пида вэйтантыдас.*

Игрим вошн лўв ишак непекат мойлдас шуши мир культура тэты па нух алумты хуятата, «Ветеран труда» нем тайты ёха, щит Валентина Саратина, Тамара Мезенцева, Марина Вынгилева неңат. Щалда Т. Гоголева ши иметн верум пурмасат эвэлт лэщатум вантупсы вантас. Дыв арсыр вухаль мир лэматсухат ёнтсат па пурмасат версат.

Т. Гоголева Игрим кэща хэ А. Затирка пида вэйтантыдас па дын арсыр мосты верат олаңан путартсанан.

Анеева кэртан депутат не сырсыр нўша тайты ёх пида путартас. Дыв рэпата каншты вер па арсыр нётупсы вохты пата лўв хушела юхтыйдсат.

Игрим вошн вэдты мир вохты непек ханшсат, лэдн Игрим – Нуви саңхум вош тўхлэң хопн яңхты ёш тэса ат лэщатсы. Кэртан мир ванкўтды верлад щирн Нуви саңхум воша яңхлэт. Игрим вош эвэлт тухлэң хоп щив ан яңхал, щит шеңк вэн турас тэд. Т. Гоголева ши вер нух вантты ясаң мас.

*Округ дума мирхот юпийн депутатат правительства, департаментат па «Югория» акционерной тэхии кэща ёх пида «правительства щос» вэйтантупсы щирн ияха актэщийдсат.*

## Мирев яма вэдты пата

Дыв щата арсыр некоммерческой па дыв саттэда рэпата лэщатты тэхета нётты олаңан путартсат.

Олаң ясаң тэс экономической развития департамент тэхии кэща хэ П. Сидоров. Лўв путартас, муйсэр нётупсы государства эвэлт 2013-мит одн дыв саттэда рэпата лэщатты тэхет вантсат. П. Сидоров елды лупас, округевн мет вулаң вер, щит тата вэдты мира ям па тўнщираң вэлупсы лэщатты. Лэдн ал мир мосты пурмасат муй па летутат дэтты щир ат тайсат. Щит пата мосл дыв саттэда рэпитты тэхет тайты ёха нётты па ши вўрн округ экономика йилпатты па нух алумты. Мосл аршак вэн лапка омэсты па йилуп тынесты хэрят верты. Юхи хашум яң одмэр округев луваттийн арсыр лапка 1,5 арат пўш ара йис.

Общественной па внешней связят департамент кэща хэ И. Верховский путартас, хути ши верат олаңан телевидения, радиова хўват путартты па газетайт, интернет хуши ханшты па вандтаты питды. Ши олаңан ханшты ёх кўтн немасыя касупсэт, реклама кинайт верты питдыт, лэдн аршак мир ши тынесты па мулды пурмасат, верат лэщатты тэхет олаңан уша ат паватсат.

Щалда мирхота юхтум ёх «Югория» государственной страховой компания рэпата олаңан айт хэлантсат. Ши тэхии кэща хэ Н. Охлопков ясаң тэс, муй щирн дыв манум од мэр рэпитсат па муйсэр йилуп верат па ода лэщатсат.

Там мирхот етшуптаты елпийн кэща ёх ияха путремуман мосты непек ханшсат. Щалда ши ханшум утлад правительства ёха китлат, елды рэпатаед тўнматты па мосты щирн лэщатты пата.

**Там лопас  
лэщатас  
Надежда ВАХ**

## Нявремәт вәндтәты мет сәмәң па мосты хуят

*Тәм ванән Югра мўв губернатор дәнқәр хә А.А. Путин, «Единая Россия» партия Центральнóй совет ёх кәщә дәнқәр хуят О.П. Пташкин, «Любимый учитель» немпи Россия мўвтел кәсупсыйн нух питум нявремәт вәндтәты айдат хә И.М. Пачин па «Единая Россия» партия федеральной айдат ёх верәт вантман тәйтты кәщә ики, дапәт пўш Гиннес киникая дунум хәннехә, «Рўщ похәтурәт» әрәң хәр дәщәтум кәсәң хә А.Е. Муромский айкел кәншты хуятәт пида вәйтәнтәйлсәт. Мирхотн «Мет сәмәң нявремәт вәндтәты хуят» всероссийкой кәсупсы олаңән путәр мәнәс.*

Кәщә ёх ясәт эвәлт уша йис, хуты Югра мўвн мет олаң пўш Россия мўвтел нявремәт вәндтәты хәннехуятәт кўтн кәсупсы дәщәтды. Сырыя 2011-мит од вўш эвәлт щит тәп округев

дуваттыйн версы. Йилуп кәсупсыйн Россия мўв 27 тәхи эвәлт учителят кәстыпитләт. О.П. Пташкин ясәт щирн, Югра мўвн мет яма оса тәхи ёх рәпата па вәндтәты вер дәщәтман вәд. Щит пәты йилуп 2015-митолн ищимәщ кәсупсы Россия 85 мўвәт эвәлт юхтум нявремәт вәндтәты ёх кўтн верды.

Россия мўвтел кәсупсыйн нух питум айдат хә Иван Пачин Югорской физико-математической лицейн хәт

олмәррәпитл. Лўв әңкеләщел иши нявремәт вәндтуман вәдләңән. Щит пәты айдат хә вәна ювмадн дын итана учителя йис. Лўв ясәд щирн, нявремәт вәндтәты хәннехәя мосл культура па ям нумәс верәт яма вәты, ләдн пушхиет елды ищиты щи вулаң верәт яма ат тәйсәт. Тәп щи пурәйн вәндтәты вер елды яма мәнты питл.

**Ирина  
ПОСЛОВСКАЯ**

## Айдтыева йилуп хәнты алфавит дерамтты мосл

*Щи вер партәс елды тәты округ губернатор дәнқәр хә Геннадий Бухтин, лўв шуши мирәт рәт ясәт па культура давәдты щира научно-координационной совет кәщәя вәд. Васы мәнты тылащ 7-митн округ вәндтәты па айдәт ёх департамент хотн мирхот вәс.*

Тәм мирхотн шуши мирәт вәдты район кәщәйт пида видео-конференция дәщәтман вәс. Мет сыры «Югра дыднуптәты» немпи ассоциация кәщә хә Александр Новьюхов рәпатаед олаңән ай тәс. Югра мўвевн шуши мирлўв культура давәдты щира кашәң од 150 мирхот, вәйтәнтупсы муй якты-ариты хәр дәщәтды. Нядъяң мултас од юхды Манстәр районән Муликәртән Пўпи якты хот версы. Щи тумпийн хәнты мир йис вәлупсы дерамтты учёный не Любовь Кашлатова Ас хәнты ясәңән хурәң словарь хәншәс. Па одобщественной па внешней связят департамент вух унтасн айкәртәтн вәдты хәншты ёх путрәт, стихәт киника етл.

Тәмол Юграмўв правительствә партупсы щирн па «Югра дыднуптәты» ассоциация вух унтасн округ поступсәт хәнты па вухаль ясәңәна тулмащтәсыйт. Щитәт

худыева округ правительствә сайт хуща вәдләт.

Ас-угорской айдат ёх тәхи кәщә Надежда Богордаева ай тәс, Югорской государственной университет хуща хәнты ясәң вәндтәты хәр рәпитл, йилуп одн венгерской па финской ясәңән вәндтәты рәхл. С ў м а т в о ш р а й - о н «Элалы» шуши мир пурмәсәт ёнтты тәхи кәщә не Лиана Кустышева лупәс, 2011-мит од вўш эвәлт лўң рўтыщәты хәрн пушхиет юнтман рәт ясәң вәндтәсәт. Ям, кашәң од нявремәт рәт ясәңән ямшәка путәртләт.

Общественной па внешней связят департамент кәщә дәнқәр хә Дмитрий Осминкин шуши мирәт ясәт щирн киникайт етты вер олаңән ай тәс. 2013-мит од вўш эвәлт 4800 тираж арат киника етәс. Йилуп ода вохты непекәт щирн киникайт есәдты вера 14,5 миллион шойт вух мосл, тәп хәдум миллион шойт мәсы.

Округ культура верәт тәты департамент кәщә не Надежда Казначеева лупәс, интәм округ киникайт лўңәтты хотәтн хәнты, вухаль па юрн ясәт щирн 7200 тираж арат киника вәд. Щи тумпийн кәртәң киникайт лўңәтты хотәт рәпатнекәт иши арсыр верәт тәләт. Касум кәртән киникайт лўңәтты хотн рәпитты ёх вәдты киникайт унтасн «Рәт ясәң» хәрн мет ай нявремәт па вельщи әшколайн вәндтыдум эвет-пухәт хәнты ясәна па культурая вәндтәләт.

Округ вәндтәты па айдат ёх верәт тәты департамент кәщә не Ирина Лисютина ясәң щирн уша йис, 2012-мит од вўш эвәлт вәндтәты вер тәты институт ёх унтасн арсыр 22 вәндтәты киника 2700 тираж арат есәдсы. 2010-мит од вўш эвәлт Ас-угорской институтн вәдум вәндтәты киникайт хәншты па есәдты лаборатория ёх унтасн 55 вәндтәты киника 16800 арат есәдсы. Кашәң олщи институт ёх уша верләт, муйсәр вәндтәты киникайт худна мосл есәдты. Интәм нявремәт пәты рәт ясәтн йис путрәт, моньщәт, стихәт, путрәт пида киника әнтәм, щи

тумпийн арсыр словарь, шуши мирәт культура олаңән киникайт, экология па география киникайт шеңк мосләт. Щирн интәм па одн тәм верәт тәты тәхет ёх щимәщ киникайт дәщәтты пәты партупсәт мәсәт. Интәм вәндтәты верн мет вән нәтупсы электронной щўңкәт тәләт. Ешавәд рәт ясәт вәндтәты щира ищимәщ утәт иши рәпитты питләт. Васы мәнты тылащ юхи хәщум хәтләтн Ас-угорской институтн электронной киникайт лўңәтты щўңк рәпитты олңитл.

Хәнты ясәң тўңматты тәхи кәщә не Еводкия Нёмысова әкмум ёха путәр тәс, хутыса тәм од мәр тәм тәхия лунум ёх рәпитсәт. «Тўңа хәнша!» хәнты орфография справочник» па «Орфографической словарь» непекәңн ләщәтсыйт. Тәм од мәр хәнты ясәна вәндтәты ёх пәты йилуп алфавит уша верты пәты курсәт ләщәтман вәсәт.

Ювөлаңән тәм мирхот тәты хә, округ губернатор дәнқәр хә Геннадий Бухтин партәс, ләдн айдтыева округев дуваттыйн ихурагуп хәнты алфавит хўват хәншты ат питсўв.

**Людмила СПИРЯКОВА**

# Карым кэртән вәдты-холты хотят омәсты вер олаңан

**Мәнум одн Манстәр район Карым кэртән муниципальной ширн 900 мултас квадратной метра вәдты хот версы. Ши тумпийн 180-кем метра увас мир пәты хотят омәсты олаңан поступсы ширн омәссы.**

Тәм одн ищи айкемн вәдты-холты хотят вердыт. Тәм ванән шуши мир поступсы ширн кәт хот пүншды, тәп хотлып и рәпата верты хәщәс. Увас мир поступсы олаңан путәртты ки, тәм вер яма мәнд. Шуши мира нәтупсы вух мәды, ши вухәтун-

тасн дыв хотят омәсләт. Вантэ, кәщә ех ләңхаләт, дәдн ехләд рәт кэртән хотят ат омәссәт, дәдн па воша ән касәлдәт.

Иса вәдты хотят олаңан ясаң тәты ки, мосд лупты, катра хотят эвәлт йилуп хотәта касәлдты вер айдта мәнд. Ван-

тэ, хотят омәсты тәхи ех ән ләңхаләт Карым кэртән рәпитты, дыведа кеншәк вән кэртәтн, вошәтн хотят омәсты, хута яңхты-мәнты әшәт ямәт, хута гүтәң гуйт яңхләт. Тәмхәтл Карым кэртән ай кев пида и машина 2300 шойт тына хойд. Щит шеңк тынән. Щит пәты немхуйт дын пида рәпитты ән ләңхәл. Тәм ванән кәрта няврем вәдтәты не юхтәс. Лүв ямсыева

вәдты-холты тәхи вантәс па юхды пәда керләс. Вантэ, вош эвәлт юхтум хәннехәя ям вәлупсы пәты каврум йиңк, хошум хот мосл.

Ши тумпийн приватизированной ширн тәп вет процент арат хот вәд, ар пәләк хот муниципальной шира айдды. Тыв арсыр сохәд пәшәсәт, яңхты-мәнты әшәт па па сыр-сыр утәт лүңәтман вәдләт.

**Ирина САМСОНОВА**

# Худт вәшум нявремәт кәншты тәхи

**«Профилактика безнадзорности и правонарушений несовершеннолетних, жестокого обращения с детьми» – тәмәщ немуп мирхот Ёмвош округев правительства ай тәхет потты тыләщн верәнтәс. Уральской федеральной округ эвәлт нявремәт па айдат ех вәлупсы вәнәдты па давәлдты ех шив юхтәйләсәт. Мүң мұев мир тухәдпи мирхотн Ямал, Курганской па Тюменской областьнән, Москва эвәлт вәдум хәннехәйт ясаң вүйдәсәт.**

Москва вошн «Поиск пропавших детей» немуп тәхи вәд, кәншаньщты тәхет кәщә Николай Ковалев ай павтәс, муй вүрн дыв худт вәшум нявремәт кәншләт. 2009-мит одн ши вошн 14-мит одуп эвие вәшәс, волонтерәт әңкеда-әщәда лүвәд кәншты нәтты вүйәнтсәт. Мултараг хәтл мәнум юпийн эвие вәйтсы, тәп сших ведум вәс. Ши юпийн ши эви вәйтум ех нумәс версәт нявремәт кәншты тәхи пүншты па кәншаньщты сайт версәт. Интум ши ут унтасн худт вәшум ай ех Россия, Украина, Белоруссия па Казахстан хуши вәдты волонтерәт вәтща кәншләт. Тәм пүляң Россиян, Украинан па Белоруссиян 46-мит мұвн нявремәт кәншты пәты 55-кем тәхи вәд. Мүң мұевн худт вәшум пухәт па эвет кәншты тәхи Нижневартоскайн вәд. Интум Сәрханл хуши щит пүншды па Покачи вошн нумәс верты вәд. Мосд лупты, кәншаньщты мир полиция па МЧС пида вәтща рәпитләт. Вантэ, РФ законәт посн дыв сәттәда ай ех кәншты ән рәхл.

МВД рәпәтнекәт лупты ширн, кашәң од Россиян 20-35-кем шурәс арат няврем худт вәшл. М. Ковалев лупәс, дыв нумсәдн 55-кем шурәс хуйт вәтшийд. Щитәт эвәлт ехәт 90-кем процент вәйтлүйт, итәхәт сурма питмед юпийн. Ай ех кәншты тухәдпи волонтерәт әшколайт па институтәт хуши

эвет, пухәт пида вәйтантәйләдәт па дывәдләвләсман вәдты вәдтәләт. Дыв әңкидал-әщидәл пида ищи ши олаңан путәртләт. Щәлдта вошәң, кэртәң мира кәншаньщты вер олаңан непекәт ортләт па ши олаңан дыведа ай кинайт вәдтәләт.

Муй ширн нявремәт кәншлүйт, Николай Ковалев тәмиты лупәс. Ай хуйтәт худт вәшты пурайн рәтләд -7(499)686-02-01 карткел хува па [www.PoiskDetei.ru](http://www.PoiskDetei.ru) сайта волонтерәта ай павәтләт. Ши юпийн ши тәхел тумпи кәншаньщты ех худт вәшум эвет муй пухәт олаңан **Одноклассники**, **Фейсбук**, **Вконтакте**, газетайт, телевидения, ратива па па тәхет хуши ай павәтләт, дәдн ар мир ат уша версәт па ищи нявремәт вәйтты ат нәтсәт. Кашәң эви, пух олаңан немасыя непек хәншды, хута лүв хурд вәд, муй арат лүвәда ол, муйсәр дәмәтсухн вәс, хән худт вәшәс. Ши непекн полиция па волонтерәт телепонәт ищи хәншман вәдләт. Ши юпийн кәншаньщты ех вош хүләтн ар тәхийн худт вәшум няврем олаңан непекәт нух сәтләт па мир иньсәсләт, хутты лүвәд вантсәт муй әнтә? Щәлдта полиция ех пида катра хотәтн, пакрепәтн, хот даңләтн па вүрн нявремәт кәншләт. Ши верверман юхи хәшум хәдум одн «Поиск Пропавающих Детей – Москва» хуши рәпитты ех полиция пида 553 дыләң няврем

**Их ждут дома...**

**ПРОПАЛ РЕБЕНОК**  
Маша Иванова, 10 лет



10 февраля 2012 года вышла из дома из детского учреждения на прогулку. Пропала: на вид 2 года, рост 91 см, волосы русые, глаза голубые.

Была одета: розовая юбка, белый свитер. Ноги босые, сандалии, белые носочки, розовый плащик.

Особенности: голубые глаза и белые ресницы, красная шапка.

Вопрос: кто может сообщить сведения о местонахождении девочки, позвоните по телефону: 7(499)686-02-01. Полиция не имеет право расследовать пропажу ребенка, но поможет в поиске.

[www.PoiskDetei.ru](http://www.PoiskDetei.ru) нужна помощь ДОБРОВОЛЬЦЕВ

На улице своего населенного пункта вы можете увидеть подобную этой листовку, - это сигнал - пропал ребенок.

Просим обратить внимание. Этим детям ждут дома.

---

**Артём Давид, 2009 г.р.**  
(на момент пропажи 3 года)  
Пропал в ночь с 6 на 7 июля 2012 года (ст. Нижнебаканская, г. Крымск, Краснодарский край), и до настоящего времени его местонахождение неизвестно.

**Аня Анисимова, 1998 г.р.**  
(на момент пропажи 11 лет)  
12 октября 2010 года ушла в школу (г. Тюмень), и до настоящего времени ее местонахождение не известно.

---

**Лиза Тишкина, 1998 г.р.**  
7 марта 2009 года вышла из школы №1 г.Саров (Нижегородская обл.) после праздничного концерта, и до настоящего времени ее местонахождение не известно.

**Катя Четина, 2005 г.р.**  
(на момент пропажи 5 лет)  
пропала 12 июня 2010 года в районе камня Ермак (Пензенский край), и до настоящего времени ее местонахождение не известно.

па 176 вән ех вәйтсәт, дыв сәттәда 103 дыләң эви-пух вәйтсәт. 21 ай ех әнтәма ювмед юпийн вәйтсүйт. Тәдаңтедн хәдум ол мәр «Поиск пропавших детей» тәхи ех унтасн 800-кем хуйт вәйтсы.

Тынәң хәнты ех! Нявремәт худт вәтшәты пурайн сорашәк «Поиск пропавших детей» тәхия -7(499)686-02-01 карткела ай павәтты мосл. Щәлдта [www.PoiskDetei.ru](http://www.PoiskDetei.ru) сайта хәншты мосл. Интернет хуши **Фейсбук**, **Вконтакте**, **Одноклассники** па па утәтн «Поиск пропавших детей»@[poiskdetei](mailto:poiskdetei) кәншаньщты тәхет ищи вәдләт, шив ищи хәншты шир вәд. Хән худт вәшум нявремәт олаңан шив ай павәтды, ши пурайн волонтерәт дывәд кәншты вүйәнтләт.

**Реональда ОЛЬЗИНА**

Хурн: «Поиск пропавших детей» тәхи непек

# Сэрханл хантэт

*Там ванан Новосибирск воша сэрханл мўв эвдт хатд этты пелак хантэт янхсат. Шит Ас-угорский институтн моньшат, арат, йис путрат нух ханшты тахи эвдлт Аграфена Семёновна Сопочина па кат хуятнан вент шуши карт эвдлт Семён Григорьевич па Тамара Алексеевна Рынкован. Дын вадты тахан 32 номерн ханшман вад.*

Икедпимехпутартайд, имедпа аган хантэт ширн путартайд. Дын ашколайн ан вандтгылдсанан па шит пата тес шуши мир ясаң тайланан. Вантэ, дын иса тухлаң хопа ант омсылдсанан, 40 ол маанум юпийн ши вер тывас.

Новосибирск учёный ёх, шит филологической наукайт доктор, профессор Наталья Борисовна Кошкарёва, научной сотрудник, профессор Ираида Яковлевна Селютина па па ёх рентгенография па ларингография версат.



Там хадум тахи, шит СО РАН филология немпи институт, химической биология па фундаментальной медицина тахи па международной томографической центр. Ши ёх нух вантсат, увас мир муй ширн сыйт путартлат па муй ширн нялум, үнд, пенк ши мар тайды. Эхат па учёный ёх арат, моньшат па айдпутрат нух ханшсат. Вантэ, шиты арсыр ширн вантман лывела уша йил, муя хантэт ясандад ияха ан юхатлат.

Ханты хуятнан кашашсанан ши паты, ладн дын Бийск вэн воша ат тэтлэсыйнан. Щата Ас

тый ики мўв вад. Катунь па Бия кат пусаднан ияха питты тахеңнан. Там мўв оланан ханты йис путратн ишиханшман вад. Тамара па Семён Рынкован мантан едпийн хур вўты па ханнехэ нух ханшты шўнкнан дэтсанан. Дын Новосибирск вош, Алтай мўв па шорцы мир оланан иши учёный ёх эвдлт па ши тумпийн арсыр верат оланан иньшасанан.

Дын нартамды хэн ши мўва сонтумаснан па янхсанан. Рэт па вэтэн хуятдала, ши мўв оланан путартты па хурат вандтаты питланан.

**Раиса  
РЕШЕТНИКОВА**



## Программа КАМИС Сэрханл филиал хуца омасты вер

*Ёмвош округн вадты шуши мир яснат шавиты па нух вандтаты пата, йис путрат, моньшат, арат акатты тахийн Ас-угорский институтн «Мультимедийный звуковой депозитарий» проект верла. Институтн рэпитты ёх йис путрат, моньшат, арат шуши ёх хуца акатлат.*

XX-мит нэпәтн 1990-мит ол вўш эвдлт ханты, вухаль, юрн, рўш яснатн актум моньшат, арат, йис путрат, тарнан моньшат, эвдлты верат, ёман хатлат Ас-угорский мират ханшупсэт Ёмвош округн шавиман вадлат. Иса араткем 3000 щос.

Мет ар моньш, ар, йис путар актупсы ханты яснан ханшман вад.

Актупсэт яма ортты па лэшатты пата Нуви санхум па Сўматвош кат филиал хуца КАМИС немпи программа омассы. 2014-мит олн КАМИС омасты пура

Сэрханл филиала юхтас. Интам Сэрханл филиал хуца кэша не Аграфена Семеновна Сопочина па филиал архивариус не Анисья Николаевна Волкова рэпитланан. Дын путрат акатланан, сыйт непека нух ханшланан, Сэрханл путар ханты ясаң эвдлт рўш ясаңа тулмаштаднан. Дын оланмит КАМИС программа пиларэпитты вандтгылдсанан. Ши программа омсалса па лэшатса Ас-угорской институтн рэпитты хэйн Прокопий Тарлинан

Санкт-Петербург вош эвдлт юхтылум программа лэшатты ёх пилд. П. Тарлин ши вера вандтаслэ Ас-угорской институтн йис путрат, моньшат, арат акатты ёх кэша не Ольга Ерныхова.

Программа нух ханшты ханшупсэт мира иса шитн шавиты рэхл, ши юпийн нух ханшум ут худт вешты шир антэ. Архивариус не Анисья Николаевна лупл: «Ин мулды кас-сетайт, ханшупсы муй сый каншты вер антэ, сыры ши вера ар щос манылдас».

**Прокопий ТАРЛИН,  
Ас-угорской инсти-  
тутн йис путрат,  
моньшат, арат акатты  
тахийн рэпитты хэ**

# Айтедн ханты па вухаль мирңан культура олаңан уша верты мосл

*Васы мәнты тыдәш 14-митн Технолого-педагогической колледж хуша йилуп вер тывас – хәтл мәр нявремәт тайты хотәта айт яңхты пушхиет пәты шуши мир ясән, культура олаңан ай тәты хәр рәпитты олңитәс.*

Ши әмәш вер педколледж вәндтәты ех ләшәтсәт, щит Елена Александровна Брич, Анна Борисовна Гутырина па Ирина Максимовна Молданова. Лыв тәм вер тәты олаңан поступсы нух хәншәт па «Газпромнефть-Хантос» немпи мұв илпи питы вуй муй газ вұты компанияя китсәт, вантә, дыв ишимәш поступсәт пириты пәты немасыя кәсупсы ләшәтсәт. Шив 34 вер олаңан поступсы китсы, дыв тәп мет ям яң поступсы пирисәт, дыв күтәдн педколледж ехн хәншум вер.

Миюм грант вух ун-гасн ханты ернасәт, нирәт ентсәт, тўрлопсәт кәрәтсәт, кәт нарәсьюх ләтсәт.

Айдат ех ай пушхиет, лыв әңкидал па мойң ех пелы ханты щирн вұща версәт, кәт-хәлүм пұш и ясән лупсәт, ләдн ай тәпиет щит уша ат версәт. Ши юпийн ханты па вухаль мирңан олаңан ай тәсәт. Мет әмәш ай әвиета па пухиета юнтты па кәсты вәс. Хутыса лыв рома омәсман нарәсьюхн юнтум сый хәләнәтсәт, щәлта щит ямсыева нух вантсәт, ешн кетумсәт.

Юволаңан айдат вос-



питателәт ай пушхиет пида олүм лавәлты щира «Лүк» пос версәт. Ши тумпийн ернасәтн па тўрлопсәтн хәншет алдсәт па ши олаңан путәртсәт.

Щоскем мәр ай пушхиет әңкидал пида ханты па вухаль мирңан вәлүпсы,

кәсупсәт па па олаңан уша версәт. Щикүш нявремәт шеңк айт вәсәт, тәп, ма щиремн, айтедн дыведа шуши мир культура олаңан путәртты мосл, ләдн ләхсәна ат вәсүв. Щит шеңк мосты вер.

**Людмила СПИРЯКОВА**

## Югорской университет 13 ода йис

*Тәм тыдәш хәтмит хәтәдн Югорской государственной университет кәща не Татьяна Карминская Ёмвошәң айкеләт ләшәтты хуятәт пида вәйтәнтыдәс.*

Хәлүмхушъяң од юхлы педа Увас мұв вәндтәйлдты тәхи пұншсы. Муй щирн ЮГУ немпи тәхи ши одәт мәр рәпитәс па муйсәр йилуп верәт ләшәтты нәмәсл, ши олаңан кәща не әктәшум хуята айкел тәс.

*«Кашәң университет – щит щимәш тәхи, хута елды вәлты щира Россия мұв пәты мет нумсәң хуятәт етләт. Мұң вәндтәйлдты тәхев арсыр университетәт күтн иши шеңк мосты па әрәң тәхи. Щит пәты мұңева мосл мет нумсән, непекәң па рәт мұв педа сәмәң айдат ех енмәлты», – щиты Та-*

тьяна Карминская ясәң олңитсәлә.

Кашәң од айдат ех вәндтәты хәннехуятәт ученой хуятәта йиләт. Щиты хәлүмхушъяң од мәр докторской диссертация непек яң хәннехә вәнһяса па доктор нем холумтәс, щәлта ям арат хуят сыр-сыр наукайт кандидата йисәт.

Тәмхәтл Югорской государственной университета хәт институт луңман вәл. Щит менеджмент па экономика, политехнической тәхи, поступсәт арталдаты вера вәндтәты ут, мұв-ават лавәлты верәт тәхи, йилуп ин-

формационной щирәта вәндтәты ут па гуманитарной верәта вәндтәты тәхи. Ши тумпийн тәта нефтяной техникумәт рәпитләт, хута бурильщика па лұведа нәтты хуята вәндтәйлдты рәхл. Тәм мир рәпатайт йилуп вәлүпсыйн шеңк мосләт.

Тәнял од ЮГУ «Кадры для региона» немпи Россия мұв луват кәсупсыйн нух питәс. Щит вән вер!

2014-мит олн Югорской университета 1417 айдат хәннехә вәндтәйлдты юхтәс. Ши күтн 908 – очной, 509 – заочной щирн. Щит тәнял киньща 57 хәннехә аршәк.

Айдат вәндтәйлдты ех Татьяна немпи емәңхәтл пурайн студентәт кәща не эвәлт каш вер олаңан хәншләт. Мет әмәш вер Татьяна Карминская

пирийд па ләшәтты нәтл. Щиты тәм одн айдат ех Байкал дора мойңа яңхты дәңхасәт. Кәща не ши яңхты-мәнты вер научно-исследовательской «Байкал – жемчужина России» немпи щирн ләшәтәс. Щит пәты Байкал вутәң дора Югорской университет эвәлт 15 айдат хә па не яңхәс.

Ши тумпийн тәм ванән йилуп «Ресурсной языковой центр» немпи тәхи пұншды. Тәта лапәт па хон пеләк мұв ясәта вәндтәты питлдыйт – английской, испанской, корейской, китайской, японской, венгерской па чешской. Мет яма ши вер олаңан ЮГУ, 4-мит корпусн, 309 хот йитн муй па карты кел хұват: 8 (3467) 921-901 уша павәтты рәхл.

**Ирина САМСОНОВА**

# Увас мир арӑн-якӑн ӗх

**Васы мӑнты тыдӑш 3-4-мит хӑтдӑнӑн Ёмвошн Россия мӑвтел Увас мир па Дальний Восток «Северное сияние» немпи арӑн-якӑн ванлтупсы мӑнӑс.**



Нэмӑслум, тӑмӑш хурамӑн немн якхот немасы адысы. Вантӑ, Увас Тӑрум тӑт нӑмн тӑрум хуца арсыр олюпн якӑд-вурдал. Увас Тӑрум тӑт салют хурӑсуп. Тӑп арсыр элуп тӑтыет нух ад пудатыйдлат па ил ӑн питлат. Нӑмн, мӑв нумпийн муй па еӑк нумпийн, шив омсалтумӑт.

Емӑнхӑтл дӑшӑтум хуятӑт алпа дӑнхасӑт, лӑдн якхота юхтум арӑн-якӑн хӑннехуятӑт иши Увас Тӑрум тӑт иты арсыр олюпн ат яксӑт па вурдасӑт.

Тӑм пӑш Ёмвош округева Красноярской мӑв Дудинка вош «Дентӑдио» тӑхи ӗх, Ненецкой автономной округ Нӑльмин-Нос кӑрт эвӑлт ариты-якты хуятӑт, Пуднавӑт вош культура хот эвӑлт арӑн айлат не, Санкт-Петербург «Северное сияние» ариты-якты неӑнӑн, Республика Алтай Горно-Алтайск вош «Эр-Самыр» тӑхи ариты па сыр-сыр нарӑс сувӑтн юнтты ӗх, Коми мӑв Сыктывкар вошн вӑдты хуятӑт, Москва вош эвӑлт куль-

тура тӑхетн рӑпитты хӑннехуятӑт, Камчатской мӑв Петропавловск-Камчатской вош «Коритӑв» тӑхия луӑмн якты-ариты ӗх, Нижневартовск вош «Тор-Най» немпи хуятӑт, Лянтор вошӑн «Пинӑлы» арӑн-якӑн мир, Русскинская кӑрт эвӑлт «Вӑнт не» тӑхи ӗх, Ёмвош район «Моньш хот» хуятӑт па Ёмвошӑн «Ешӑк Най» па «Ялпус махум» немпи хӑнты па вухаль хоттел ӗхӑн арӑн-якӑн хӑннехуятӑт.

Вӑн якхота мойна юхтум хӑннехуятӑт увас Тӑрум тӑт иты кӑт хӑтл мӑр хурамӑн ольпӑн лӑмӑтсухн Увас мӑв па Дальний Восток йис культура верӑт мира адысӑт.

Сырыя мойна юхтум артистлӑв, Югра мӑв кӑща ӗх, оса тӑхи ӗх, айлат мир, айкелӑт дӑшӑтты неӑнӑт, икет па ӑл хӑннехуятӑт, мӑта хуята Увас мир йис культура верӑт ӑмӑш, «Борис Лосев» немпи рӑтӑшӑты тӑхийн ӑктӑшсӑт. Арӑн-якӑн мир педа вантты шеӑк амтӑн вӑс. Вӑндата ювум хӑнты мир поӑ-

# Актэщийдсат

тесса ими Мария Волдина актэщум мир паты талана па уяңа вэлты щира пойкашас, лэдн кашаң ханнехэ шэк вер ан вантман елды ат вэс. Эмаш, хуты пойкашаты вер елпийн палдэ Тэрүм вэс. Вэна пелка ювум ханнехэ яснат юпийн роман Хатл Най етас. Алпа, Тэрүм Ащев, Тэрүм Аңкев яма яснат хэлднтсәңн па ләнхасәңн, ләднемәңхәтл яма ат тывас.

Щи юпийн мойна юхтум хуятат Мув-ават па Ханнехэ йис пурмасат шавимантэйтыхота вохсыйт. Тата арсыр муват эвдт юхтум артистат лыв однедн айкел тэсат па итэхарат, якят панарасты сүват мира ванлдтасат.

Мосл ястаты, там вэн вэйтантупсы Российской Федерация Министерства культуры тахи ех, «Государственный Российский Дом народного творчества», Югра мув культура верат тэты департамент кэшайт, Емвош округев «Культура» немпи «Творческой объединение» па Ас-угорской айлат тахи ех унтасн дэщатсы. Лыв шеңк әмша мойна юхтум мир паты якты харат верантсат. Щиты Увас мир па Дальний Восток

йис культура верат антэ тәп Емвошн вэлты мир вантсат, Манстәр, Нефтеюганской па Емвош районәтн вэлты-холты ханнехуятат ищи щир тайсат әмаш якят, арят, нарасты сүват вантты па хэлднтты.

Кимит хәтләтн «Югра-Классик» немпи КТЦ хотн мирхот верантсы. Арсыр тәхет эвдт юхтум арәң-якәң мир айкел тэсат, мув щирн лыв мувладн йис культура верат елды тәлät.

Етн пела вэн, хурамәң па ольпәң якты хәр пүншсы. Кәт щос и кәмн мәнәс. Тата арсыр мирәт хурамәң дәмәтсүхәт, горной алтайцәт тур эвдт сыяң әмаш арят, корякәт, ительменәт па эвенкәт апрәң якят, нганасанәт емәң арят па шуши мирлүв «куренька» якнән па па әмаш верат вантты рәхәс. Нәмәслум, якхота юхтум мир елды хүв мәр ши мурт әмаш як хәр олаңәтн нәмты питләт. Щит паты Увас мув па Дальний Восток йис арят, якят, нарасты сүват пела вантман рәхл ястаты – муң культураев Увас Тэрүм тут иты елды вэлты питл!

**Ирина САМСОНОВА**



# Йис пурмәсәт шавиты хот олаңан

*Шәншвош көртән Манстәр районән ханты мир йис пурмәсәт шавиты хот кәщә неңа ар ол мәр Наталья Владимировна Крюкова вәд па рәпитл. Щив яңхемн, ма немасья лүв пиләда вәйтантийдсум па путремәсум, муй щирн тәм йисн дыв рәпата вердал мәндәт.*

**– Наталья Владимировна, муйсәрвәндтәты тахи нәң етшуптәсән па мәта рәт әх эвәлт вәлдән?**

– Ма Тюменьвошн культура институт музеевед щирнетшуптәсум патәта 22 ол мәр йис пурмәсәт шавиты хот кәщә неңа рәпитлүм. Ма рәт әхлам иса Ангатшуповәт рәт эвәлт вәлдәт. Щатщасем ики Семён Прокопьевич Ангатшупов вәдгы-ходты щирәдн вой-хүд вәдпәсләс. Лүв арагтелн 14 ноярем тәйс. Советской лащ юхтум пурайн пухлад па эвилад арсыр тәхетн вәндтәйдсәт па худыева непекәна йисәт па ям рәпатайт тәйсәт. Кәт вән пухнән вой вүты хуятнәна рәпитсәңн, хәдмит Данил Семёнович пухәдн явремәт вәндтәты хәя вәс па йилуп алфавит Ас хәнтәт пәта ләщәтәс. Нядмит пухәд Георгий Семёнович Емвошн кооперативной училище етшуптәс па Шәншвош көртәв дапкайн рәпитәс. Тәм этнографической

музей хотәв 1942-мит олн колхоз әхлүвн дапка щирн омәссы патәта лаля мәнты едпийн ма акем икитынесты хәя вәс. Әхәт няд акидам Вудәң далъ хәрн әнтәма щи йисәт. Ангатшуповәт рәт әх сырья шеңкар хәннехәтәйс, щи хуятәт эвәлт няврем вәндтәты па культура рәпатнекәт тывсәт.

**– Нын көртән па муй пәта Шәншвош немн мәсы?**

– Ин Шәншвош көртәв Шеркалы немтәйл. «Шоркар» – щит сәран мир ясаң, хәнты щира ки керәтты, щит «Вәнт көрт». Мүң хәнтылүв күтн көртәв ищипа Шәншвоша немәтләв. Щит, ма щиремн, шеңк йис нем. Мет олаңан түнщираңа Аскүтүп эвәлт вантты ки питләң, щит яма шиваләдән, хути мүйң көртәв вән сәнхум шәнш хущи омәсл. Щит пәта лүвәд ищиты Шәншвоша адыщәты рәхл. Щәлдта щимәщ йис путәр хәнтәт күтн вәд: хән Тәрум ащи лүв мойпәр пухәд




тәрум хәр эвәлт ил есләс, лүв шәнш хурасәд вән сәнхума питәс па щит пәта мүйң көртәв еша әхәт хәнтәтн Шәншвош немн щимәсы. Мүйң шуши әхлүв ин тәмхәтл вәнта евәлдәт па щиты путәртләт, хути вәдгы-ходты щирн эвет муй имет пух шәнш мухты вүншты ән веритләт. Щи тумпийн мүйң күтүп Ас мүйевн шеңк ар еман тахи вәд.

**– Наталья Владимировна, хән па муйсәр хуятн нын этнографической музей хотн пүншы па муй щирн арсыр хәнты мир йис пурмәсәт тыв питты питсәт?**

– Мет олаңан музей иса ән тәйсүв. Хәнты мирев арсыр йис пурмәсәт Шәншвош күтүп ашколаев хот йитн

ияха әкәтсүв. Мүйң хущева нявремәт биологияя вәндтүмән сыры олатн Тамара Васильевна Дидорова рәпитәс. Әхәт 1980-мит олатн лүв әрләлнумәсләд унтасн тәмәщ йис пурмәсәт ияха арсыр тәхет эвәлт әкәтты питсыйт, ләдн хәнты хуятәт вәлупсы щирәт олаңан сыр-сыр тыв юхтәйдты мойң хәннехуятәт едпийн айкел верты. Тамара Васильевна ашколайн вәндтәйдты эвет хәнты ернасәт әнтты, арсыр түрлопсәт муй сәк эвәлт кәртүм ай пурмәсыет верты вәндтәс. Итәх утәт щитәт эвәлт щи пурайн вельщи ләщәтүм музей хот йитев хущи хәщсәт. Мүйң нарәсьюхән юнтты па хәнты арәт ариты хәев Андрей Александрович Ангатшупов як-



ты-ариты хот ёхдал пида 1970-мит олатн арсыр вошәтн Советной Союз хұватн яңхәс па кашәң тәхийн дыв хурдал нух вұсыйт. Ияха әкмумхурәт ищиты мұң әшколаев йис пурмәсәт әкәттү хот йита дыв мәсәт. Иса ши вұшәт эвәлт Тамара Васильевна Диодорова музей хот пұншты нумәсн юхәтсы. Щит пәта дұв мет олаңән Шәншвош әшколаев дыпийн музей юкана дэщәтум хот йит верәс, худта шуши мир хәннехуятәт сыр-сырхәнты пурмәсәттәты щиртәйсәт. Ай тәхет потты тыдәшн 1982-мит одн тәм катра лапка хотәв дыпийн Шәншвош кәртәв этнографической музей хот пұншсы. Тамара Васильевна Диодорова щәта олаң кәщә неңа вәс. Щимәщ вулаң рәпатайд пәта тыдәш вухәнхәнсухуптәсы, вантә, общественной щирн тәп ши йис пурмәсәт шавиты хот дұв тәйсәл. Щиты иса 1982-мит од вұш эвәлт па иса 1992-мит од вұш вәнта этнографической музей хотәвкәртәң миревнәтупсы унтасн вәс па рәпитәс. Галина Ивановна Трибус, Мария Герасимовна Зверева, Анна Тимофеевна Алексеева шеңк сәмәңа нәтсәт па кашәң вер тәта вешкәта па иса тынды-пелды мұң шуши ёхлұв пәта дэщәтсәт. Тәмәщ музей хот тәта верты олаңән хәнты мир хурәт хәншты хә Митрофан Алексеевич Тебетев нумәс верәс. Дұв Лохтоткурт эвәлт тыв катра явум дупастәс па тәм йис пурмәсәт шавиты хотәв лепн омәссәл. Ши тумпийн итәх хәншумхурдал ищиты мұңева мойдәслә па ин тәта щитәт вантты веритләты.

**– Муйсәр хәнты мир йис пурмәсәт олаңән нәң путәртты веритлән?**

– Ар пеләк йис пурмәсәт мұң музей хотәвн Лохтоткурт эвәлт ши вәлдәт. Тәта шиваләты рәхл: пидт давәдты холуп, мәта ут иса йис щирн пәдн су-

хум эвәлт севмән вәл; хәлты пән, мәта велпәсн тәп катра Ас хуши хұд велпәсләсәт; хәлты пәнәт пәта верум сыр-сыр кевәт па тәта тәйлұв; и кев хуши хәдьюх хәнши хурас верман вәл, ши ут путәрд мұңева, хути тәм хәлты пән кев хұдн шеңк сәмәңа тәйс. Мұң хуше-ва вәдты йис пурмәсәт – щит иса хұд па вой велпәсәт. Щитәт унтасн хәнты хуятлұв катра пурайн вәлупсы щирдал дэщәтсәт: Ас эвәлт хұд мушәтсәт, вәнтәтн арсыр войт павәтсәт. Тәта 18-мит нәпәт вұш эвәлт йис пура пушкан тәйлұв, дұв дәпәдн селя муй нәд шавиты хушәпәт. Ши пушканәвн ма щатщәсем ики Семён Прокопьевич Ангатшупов 1960-мит олат вұш вәнта иса велпәслумән яңхәс. Советской власть пурайн арсыр йилуп пушкан етәс, дұведа па, тәңха, ямшәк вой велты щирн тәм пушканәл вәс. Тәта Митрофан Алексеевич Тебетев шәңәт хәншум хурәт вәлдәт. Тәм одн дұведа дәдн 90 од вәс. Ши ики шеңк хурасәңа луңәлтуп як хурасәт хәншәс па вера дәңхәс хәнты мир вәлупсы щирәт арсыр непек хурәтн алды.

**– Наталья Владимировна, муйсәр хәннехуятәт нын йис пурмәсәт шавиты хотәна яңхләт?**

– Мұң музей хотәва ар пеләк әшколайн вәндтәйдты нявремәт юхтәйдләт. Айдат ёхлұва хәнты мир йис культура верәт шеңк әмшәт. Тәта мосванән Нягань вош эвәлт әшколайн вәндтәйдты пухәт па әвет тәта вәсәт. Дыв шеңк яма йис пурмәсәт олаңән верум айкелдам хәләнтсәт па күтн-күтн иньшәссәт, муй пәта тәм муй тум пурмәс мосәс па хути дыв катра пурайн версыйт. Ма щиремн, тәмәщ музей хотәт унтасн мұң хәнты мирев культура верәт яма тәйтты питдәйт.

**Владимир ЕНОВ**

## Юван Шесталов нәмпи хот йит-музей пұншсы



**Ёмвошн Югорской государственной университетн вухаль мир писатель кабинет-музей пұншсы. Щит дұв юхи хәшум рәпата тәхел вәс. Щит пәты хот йитн иса щиты хәйс, хутыса Юван Шесталов рәпитум пурайн вәс, щәта дұв хурдал, непекәт, киникайт, ишакты непекдал, ияха дұңәттү ки – 350 пурмәс вәл.**

Вандтупсы пұншман «Торум Маа» катра пурмәсәт давәдты хотн рәпитты не Эрика Сургутскова лупәс, ин тәм хот йит-музей Югра мұв региональной фонда дұңман вәл.

Владимир Шесталов мойң ёха путәртәс, хутыса айтәдн дұв ащәдн енмәдтсы, вәндтәсы, щирн дұв вухаль мир олаңмит арсув хәншты хәя йис. Тәм вәйтәнтупсыин Владимир ар арийс.

Тәм хот йит-музей пұншман юпийн елды кашәң хуят веритләнәт тәп Юван Шесталов вәлупсы олаңән уша верты, ши тумпийн тәта

сема питум хәтәлдәл пурайн «Дұңәттү-ариты вәйтәнтупсәт» дэщәттү питдәйт. Әшколайн вәндтәты нявремәт пәты «Писатель хуша мойңа яңхты» әмәщ хәр па «Белый Стерх уләтәл, но оставил песню» нәмәдмәты хәтл верты питды. Вельщи стихәт, путрәт хәншты ёх пәты «Литературная гостинная» пұншды. Щәта дыв юхтум ёх едпийн стихдал дұңәттүпитләт, вәтәң писателәт па поэтәт дыведа путәртты питләт, яма муй вевтама хәншсәт.

**Людмила ШУЛЬГИНА**



# Ашкола кэща айкелдэт

*Шаншвош кэртэн Манстэр районан ям ар од мэр кутуп ашкола-интернат кэща хэя Николай Петрович Степаненко вэд. Шив янхмемн, ма дүв пилэда вэйтантайдсум па рэпата верэт оланхан иньшассем.*

**– Николай Петрович, нын ашколайн оланхан матты айкелдэ вера?**

– Сырьяма вүтышадум лупты, хуты там одн мүн Шаншвош кэрт кутуп ашколаев 125-мит од еманхатлэд постаты питд. Шит пата йис пура непекат вэйтсүв, хута ханшман, муй ширн Шаншвошн 1889-мит одн мет олаң нявремат вэндтэты хот пүншы. Шипурайн рүцтэрум хот лыпийн ашкола версы. Эхат ташаң өх, Новицкой рэт эвэлт, атэдт ширн арсыр нэтулсэт нявремат елды вэндтэйдты пата дэщатсат. Советской дащ юхтум щосн хэдмит классан ашколаев дапатмит классана верса. Шипурайт класс ширн дүв иса 1954-мит од вүш вэнтэ рэпитас. Шадта кутуп ашколая район кэщайтн дэщатсы па еша вэд национальной ашкола ширн рэпитты питас. Тэптата мосванан, дапаткем од юхды, шуши мир няврем мүн хуцева иса шимда йис па шит пата ин ад кутуп ашкола-интерната дүнтэсты питсүв. Емвош округевн, вантэ, Увас мират департамент лап тэхарсы па арсыр тэхет, мата утат шуши эхлүв пида рэпитсатициты йилуп кэщайтн нух вүсыйт. Мүн ашколаев иса 1996-мит од вүш эвэлт шуши мират ясаң па культура нух алумты щира рэпитас. Ин щимашч рэпатаев иса етшуптасэв. Юхи хашум олатн ханты вэдупсы щират вэйтты ханнехуятат иса пенсия рүтышаты манлат. Шипурайн шуши мир вэдты-ходты верата нявремат вэндтэты тата ан веритдүв. Галина

Ивановна Трибус ищи рүтышаты манас па ин сак эвалтарсыр пурмасыет верты ханнехэ тата па ан тайлдүв, дэдн дүв айлат эвет ищиты сак каратты елды ат вэндтас.

Дүв тумпелдн ашколаев хуши Мария Герасимовна Зверева рэпитд па ханты пурмасат энтты эвет вэндтэд. Шипурайн рүтышаты ки манл, шит немудты ханнехэ тата мүн нявремлүв елды шуши мир энтэсты па вератты верата вэндтэты па ан питд. Дын ияха там ашколаевн пунанч сух, тунты па сак пида рэпитты айлат эвет ямсыева хушсат. Шит пата эхат мүн нявремлүв верум пурмасыет округев арсыр ванлтупсэтн вэсат па сыр-сыр тэхетн хуятатн ишаксыйт. Мария Герасимовна «Султумие» немуп айлат эх якты-ариты хот дэщатас па щипурайн пиде округев арсыр ай кэртатн па вэн вошатн вэс па сыр-сыр хурамач якты харат арсыр мират елпийн ванлтас. Шипурайн дыв Венгрия, Болгария па Югославия хон пелката па янхсат. Хэн Емвошн Увас мират департамент рэпитас, щипурайн мүн ашколаевн «Нюрмат» немупи нявремат рүтышаты тахи кэртэв депн омассүв. Шадта мүн арсыр шуши эхлүв еманхатлэд вэндтэты нявремлүв па кэртанч эхлүв пида кашанч пурайн дэщатлүв.

**– Муйсар еманхатлэд нын «Нюрмат» хуши дэщатлэты?**

– Там дунан мүн ай хопанч касупсы кэртанч хуятлүв кутн версүв. Сырья хоп ан тайсүв па касты верэв елпийн сохал



эвалдай хопиетлэщатсүв. Шипурайн кэщайт мунум юпийн кэща эхлүвн Сэрханл район эвалт ямсыева верум нял юрн хопнлэтсыюв. Па пүшши ширн мүн ямашак касты веритдүв. «Нюрмат» немуп рүтышаты тахевн «Юнеско» эвалт вэдты мойнхуятат Индия, Франция па арсыр хон пелкат ищиты юхтыйдлат. Шипурайн ашколайн вэндтэйдты пухат хүд павой велпаслаты верата немасыя вэндтэдлүв. Кашанч дүв мүн нявремлүв шадта рүтышалат. Манстэр районан вэндтэйдты айлат эх ищиты ивевн там тахев хуши хүд павой велпас верата вэндтэдлүв. Шимашч ям па хурамач шуши мир нявремат пата дэщатум рүтышаты тахи мүн ашколаев унтасн елды вэд па рэпитд.

**– Николай Петрович, сырьянанч лупсан, хути «Султумие» немупи якты-ариты хот ашколайн тайлэты. Муй ара т няврем иса шив янхал па муйсар тэхетн дыв ханты ара т аридэт па якят яклэт?**

– Ма ин щипурайн путартты вүтышадум: кашанч од мэр шуши мир няврем иса шимда йил. Там хашум одн яң эви Мария Герасимовна хуши янхал па сыр-сыр якты-ариты хотат кэртанч эхлүв елпийн адьлат. Га-

лина Ивановна Трибус щипурайн мудтэйн иса лыведа нэтд. Там якты-ариты муй эш пурмасат дэщатты верат мүн хуцева ин тамхатлэд вэнта вэлдэт па елды ищиты щитат тайты питдүв. Тэп ханты мир рэт ясаң вэндтэты щират шеңк давэртанча йисат. Катра, вантэ, урокат ширн ясаң муй путрупсы верат немасыя вэндтасүв. Там йисн национальной ашколая ан дунтаслүв па щит пата ханты ясаңа миюм щосат кэщайтн нух вүсыйт. Шит пата факультатив ширн нивалдит од мэр рэт ясең вэндтэты ширн тэп тайлдүв. Итэх нявремат шеңк ханты ясең пела саманат па щит пата кашанч од арсыр районанч муй округанч касупсэта янхалат па пурайн нух питлат. Рэт ясаңа факультатив ширн мүн пухлүв па эвидүв Вера Кимовна Резщикова ар од мэр вэндтэд. Ма ширемн, муй ханты ясаң, муй арсыр хурамач шуши мир культураев щират, муй иты веритсүв, щиты щипурайн тамхатлэд вэнта елды айлтыева тэсүв па айлат эхлүв вэндтасүв.

Там йисн мүн ашколаев хуши тэп 108 няврем вэндтэйдл. Сырья 1998-мит одн 338 пух па эви тата вэндтуман тайсүв.

**Владимир НОСКИН**

# Нявремәт тәса вәндтәл

*Надежда Ивановна Слинкина (Хозумова) Нуви сәңхум район Поднавәт вош ашколайн ар ол мәр нявремәт рүщ ясаңа па литературая вәндтәл. Лүв ар нумсаң, рәпата пелы сәмәң хуят ашкола эвәлт елды тәс әша мәнты дэщәтәс. Лүв кәт нявремәңд ашкола сорни мевд пос пида етшуптәснән.*

Надежда Ивановна сема питәс 1963-мит олн Сүмәтвош район Саранпауль кәртән вухаль семьяйн, шәта ашкола етшуптәс. Па елды лүв Тобольской педагогической института вәндтәйлты мәнәс. Щит етшуптәмәл юпийн 1986-мит олн Сүмәтвош района Соновка рәпитты китсы. Тәп шәта рәпитты тәхи әнтәм вәс, лүвела мосәс пириты, Ваньщавта, Поднавәта муй Касум воша рәпитты мәнты. Щитумпи Сүмәтвоша «Дом пионеров» тәхия методиста рәпитты вохсы. Касум вошн пионервожатой не мосәс. Надежда Ивановна шеңкләңхәс нявремәт вәндтәты, щит пәты Сүмәтвоша па Касума ән мәнәс, Поднавәт вош пирийс. «Тыв юхәтсум, имухты вәдты хотн мәсыюм. Шәта Клавдия Ксенофоновна Шадрина пида вәсум, лүвиши нявремәт вәндтәты неңа рәпитәс. Ол мәр ияха вәсмән, шәдта лүв Нягань воша елды рәпитты мәнәс. Мәнәс иши панән вохсәлэ, тәп ән мәнсум. Мәнәс Поднавәт вош шеңк мәстәс, кәртәң мирн яма тәйлдыюм», – лупәс Надежда Слинкина.

Тәм вухаль не рүщ ясаң па литература урокәт тәты питәс. «Иса пурайн ма дапәт мәр 18 щосн мәсыюм. Тәм олн па 25 щос дапәтн нявремәт вәндтәлүм. Щит ши лавәрт, вантэ, мосл иса нявремәтн хәншум непека́т вантты, елды урокәтә дэщәтты», – лупәс нявремәт вәндтәты не.

Н.И.Слинкина вәндтүм

нявремәд рүщ ясаң па литература хува́т арсыр кәсупсәтн кәсләт, щит районной, окружной, Уралской Федеральной округ хува́т. Ар пүш нявремәт ишәксыйт, олаңмит тәхет холумтсәт, щит Евгений Слинкин, Вика Захарова, Катя Фечора, Надя Тарасова, Юлия Вандымова, Соня Бугаева... «Ма нявремәд хәрщия вәндтәлдам. Олимпиада вера дыв атәдта дэщәтәйлдәт. Мосл лупты, щит вещькат, рәпата пелы сәмәң пушхит. Хутыса дыв кәсупсәтн кәсләт, щит эвәлт ма уша павәтлүм, яма дывәт вәндтәлүм муй әнтә», – рәпатайл олаңән путәртәс Надежда Ивановна.

Поднавәт вош нявремәт рүщ ясаң хува́т кашәң ол ЕГЭ яма мадәт, итәхәт 70-80 балл холумтләт. Щит эвәлт уша йил, хуты Н.И. Слинкина дывәт яма па тәса вәндтәл. Итәх эвет литература ЕГЭ щира мәты ләңхаләт. И эви Ульяна Данилова щит яма ма́с па ин Емвошн айкеләт әкәтты неңа вәндтәйл. Ар пүш Поднавәт вошәң нявремәт ашкола сорни мевд пос пида етшуптәсәт.

Надежда Ивановна 1986-мит олн вүш эвәлт Поднавәт вошн вәд па рәпитл. 1988-мит олн лүв икия мәнәс, щит Александр Станиславович Слинкин. Лүв «Ростелеком» тәхийн ар ол мәр рәпитл. Дын кәт нявремәт тәйләңән. Ольга па Евгений Слинкиннән әңкелн ащелн нумсаң, рәпата пелы сәмәң хуятәна



енмәдтсы йнән. Дын ашколасорни мевд поснән пида етшуптәснән. Тәм олн Ольга Тюменской государственной университет етшуптәс, Евгений Екатеринбург вошн университетн экономической факультетн вәндтыдәс, иши щит етшуптәс. Надежда Ивановна лупәл, хуты Ольга ашкола пурайлн атәдта урокәт вәндтәс, щит каркам эви, му́дты вер олңитәл ки, иса етшуптәлдә. Евгений пухәдәщелн яма вантса, дәдн лүв иши яма па тәса ат вәндтыдәс.

Интәм нявремәңд вәна йиснән, Надежда Ивановна икел пида лүң пурайн ху́д велпәсләңнән, воньщүмүтәт, тулхәт әкәтләңән. Щит тумпи лүв сәмәңа пуркайт әнтты

веритл, сәк кәра́тл, тунты эвәлт пурмәсәт верты хошл. Щит верты лүв тәп рүтщәты пурайн щом тәйл. Рәт ясаңлн «Луима сәрипос» газета лүңәтл, тәп тәса путәртты ән хошл. Вантэ, ванән ар хәнтәт вәлдәт, вухаль шимәл хуят, щит пәты кашәң хәтл рәт ясаңән путәртты щир ән тәйл. Саранпауль рәт мүвела лүв ванкүтлы яңхәл, шәта рәт ехдал вәлдәт.

Мәнум олн Надежда Ивановна 50 ода йис, ма ләңхалум лүвела уяңа, тәлаңа, яма па ар ол мәр вәдты па щит мо́сты вер елды тәты, дәдн Поднавәт ашкола эвәлт па ар нумсаң пушхитәт етәс!

Надежда  
НОВЬЮХОВА

# Карым кэрт вэлупсы олаңан

*Манстэр район Карым кэртан па шив карятум Горнореченской кэртанан 1360 ханнехэ вэл. Ши күтн 140 шуши мирлүв, щит ар пелак ханты ёх. Муй щирн тага ханнехуятат вэлдят, муйсар рэпатайт тайлдят, ши олаңан ма Карым кэрт кэща ики Михаил Климов эвалт айкел вүсум.*

**– Михаил Александрович, Карым кэрт олаңан еша путарта. Муйщирннынвэлдаты, муйсар рэпитты тэхет тайлдаты? Кэртан мир хулыева рэпата тайлдят?**

– Тэмхатл кэртэвн «Обской» немпи хот вой тайты тахи рэпитл, сырья совхоза альсы. Интам тэп 150-кем дов, мис па ай мис щата давалды. Вантэ, хот войт пида рэпитты немхуят ан лаңхал. Рэпата каншты тэхетн яңкем хуят тэп ханшаньщман вэл. Щит кәши-мәш тайты ёх па пирщамум хуятат. Вантэ, ар пелак кэрт мир хотат хошмалды, нуви тут вүщитты, каврум па потум йиңк маты верат тэгы тахийн, ашколайн, нявремат давалды хотн, культура тахийн, пельницайн рэпитлдат. Сот мудтас хоттед ёх «Сургутнефтегаз» немпи мўв илпи питы вуй вўты тахийн кәпартал. Ши тумпийн 100 верста кэрт эвалт «Ритэк» тахи ёх вэл, дыв хущела ищи мўң ёхлүв рэпитлдат. Щит паты

рэпатайды ханнехэ шимл, ши киньща мўнева мосты рэпатнек ан тәрмал. ЖКХ немпи тахия рэпата хуятат мослат, пэщтайн кэща хуят антэм, ашколая ищи айшак нявремат вентлаты ханнехэ мосл.

**– Хутыса яңхты-мәнты верат нын хуцана мәндят?**

– Карым кэрт эвалт лапат верста вушн «Сургутнефтегаз» тахи ёх верум янхты-мәнты кев ёш вэл. Тэп ши вента мулты щирн лапат верста мәнты мосл. Вантэ, хатлмәр арпўшвахтовка немпи вөн машина шиёшхўваттыведт-тухелт мир па арсыр шўнк тўвман янхал. Щит паты янхты-мәнты ёш иса атум. Йилуп олн Ас нопатты тыдәщн кэщайлүв щикўш ястәсат мўң нўша верлүв непека ханшты, мосан, мулты ям вер тывл. Ин тэп давалды мосл.

**– Нын хуцана йиңк систәмтты вер лэщятман вэл?**

– Па хуты! Карым кэртан вэдты мир сыстам йиңк яньщал. Лўң пурайн тэп ши вер еша

юврая мәнд. Вантэ, 1964-мит од вўш эвалт йилуп скважина немпи утат ан омәссыйт, дыв катрая йисат. Мўң ши олаңан непек ханшсўв, адпа, мулты верды.

**– Михаил Александрович, нын кэртанан вэдты пушхиета нявремат давалды хот тарумды?**

– Па, адпа, кашан кэртат, вошат иты хатл мәр нявремиеет тайты тэхет ан тарумлайт. Мўң кат щимаш хот тайлүв. И тахи 1968-мит олн омәссы – вера катрая йис, кимит – 1991-митн. Интам Карым кэртан 75 ай няврем паты йилуп ясли хот омәсты питлүв. Щирн, нәмәслум, хуты ши вер яма йил.

**– Мир лекщитты па ямалды тахи муй щирн рэпитл?**

– Карымкэртпельница Манстэр район вулан лекщитты тахия луңман вэл. Щит паты сыр-сыр нўша верат вэлдядат. Вантэ, бензин лэтты паты Манстэр вошн кәсупсы лэщятлды. Мәнум талн мўң мөшан хуятат машинан тэтляты вер киньща Приобье вош эвалт пельницайн удты мир па ай пушхиет паты сырсырлетутаттэтлјсўв. Муй паты щиты? Вантэ, Приобье вош тахи кәсупсийн ши тендер нух павтас. Щит паты мўң машинаев тадаң тал тывелт-



тухелт летутат тўвман тэп янхас. Интам ши вер ямшәка йис.

**– Михаил Александрович, нын хуцана вент кэртат вэлдят?**

– Вўт кэртат мўң хущева рэпитлдат. Щит ям вер. Ши ёх күтн шуши мират ищи вэлдят. Мир вой-хўд велпәслалат, воньщўмут, тулх акатлдат. Ши тумпийн «Сургутнефтегаз» немпи мўв илпи питы вуй вўты тахи дыведа яма нётлат: вухнсухуптәдыйт, «Буранан» па тут йиңкан малыйт. Щалта мўң хущева итөх айлат ёх дыв саттгела вер лэщятлдат. Дыв хотат омәсты паты вөн кирмаш верлат па кэртан мира тынылат. Итөх айлат ёх кэртан хуятат паты юх сухат евәтлдат. Нәмәслум, щит шеңкам вер, ат рэпитлдат, мўң дыведа нётты питлүв.

**Ирина САМСОНОВА**



# Нарасты па ариты хэ юхи хящум вэйтантупсы

*Ай тэхет потты тыдэщ күтүпн 15-мит хятэдн 2014-мит одн 50 ода сема питум хятлэл вухаль хэ Владимир Иванович Шесталов постэс. Округ искусства ашкола па институт хотн ши хятлэн ар мир айтэщсэйт. Мойн мир тата эмэщ верман вантсэйт па хэдэнтсэйт, муй щирн В. Шесталов арийс па лүв ханшум ар сыйдал «Югра» немпи нарасты ёхн юнтсыйт. Ши күтн лүв пидэда эвиет па пухиет саңквылтапн па арсыр нарасты утэти юнтсэйт. Тэм хуятэв ай нявремэнт немасыя нота непек пелы вантман вэндтэслэ.*

В. Шесталов ар сыйт нота щирн нух пунэс. Интэм нарасьюхэн вэндтум ханнэхэ ши унтаснверитлн нарасты па ариты. Катра йис ханты муй вухаль хэ юнтум сыйт лүв нумсапунсэдэпаелды лэщэйтсэдэ. Тэм вухаль хэ ардал ханнэхэ сама лундэйт па сэм лыпийн хув мэра хэщдэйт.

Ши хятл дүвэл вэндтум кат хэйнан Г.

Селиванов па Ю. Федотов юхтылдсэнан. В. Шесталов Ёмвош педучилище етшуптэс. Тэм хэдум ёх ар од ияха рэпитсэйт па нумэс версэйт шуши мир арсыр нарасьюхэн юнтты оркестр лэщэйтты. Вантэ, айдат эвет па пухат увэс мир, щит Андрей Ангашупов, Петр Купландеев, Калистрат Лончаков, Артём Гришкин, Григорий



Сайнахов па па ёх юнтум ар сувт миратайт вэндтэсэйт. Ма нэмэстемн, ай ёх ши вера хушты – щит шеңк вэн унтас увэс мират пата.

2012-мит одн Правительства грант унтасн искусства ашкола тэхийн рэпитты хэ Володя Шесталов па «Хятдые» Ас-угорской театр хуши рэпитты не Софья Шесталова «Музыка и мифология медвежьего праздника обских угров» киника есэдсэнан. Киникайн ханшум ар сыйт, пүпи як хот, нарасьюхэн юнтум па юнтты ёх оланэн мир па хэдэнтсэйт. Мет сыры ястэты мосл, тэм непек эмэщ лүнэйтты па хурат

ванттыин вэтэң хуятэв шивалэлан. Ар од мэртэм эмэңхэтл оланэн айт айтэс па Юван Шесталов шөңэт ащелн иши нэтсы. Мет вэн унтас, хэн ши ям вер ай пушхиета аляс. Владимир Иванович шеңк лэңхэс, дэдн кашэң ай кэртэн муй па вэн вошэн нявремэнт нарасьюхэн юнтты ат вэндтэсэйт. Ши паты немасыя вэн вер лэщэйтты вүтщидэс. Шуши мир нарасьюх сыйт округ тумпийн па Россия мұватн ат сащсэйт. Владимир Шесталов ши нумсэң па мира тэты эмэщ верат хэйсэдэ. Лүв хув панта долюмтэс. Мүңева ши ям верат елды тэты мосл.

**Раиса РЕШЕТНИКОВА**



## Владимир Шесталов хув панта шэшмэс



Айтэхет потты тыдэщн 16-мит хятэдн 2014-мит одн хув эша еслэщэс и хэ хуятэв Владимир Иванович Шесталов.

Лүв вэн кер тыдэщ 28-митн 1964-мит одн Тюмень вошн сема питэс.

Тэм ханнэхэ шуши мир күтн мет олан композитор, искусствоведения кандидат нем холумтэс, композиторат Союз тэхия лунман вэс па «За развитие культуры малочисленных народов Севера» лауреат премияйн юкэнтсы. Ар од искус-

ства ашколайн рэпитум хэ. Лүв ши тумпийн ар непек айтэс, ханшэс па щитат «Музыка и мифология медвежьего праздника обских угров» вэн рэпатая пунсэдэ.

Тэм вухаль хуятэв ай пура вүш эвэлт шуши мир йис путрэт, арэт, моньщэйт па нарасты сыйт нумса па сама пунэс. Мосэң, ши олат эвэлт шуши мир верат елды нумса питсэйт. В. Шесталов ар сыйт нота щирн нух ханшэс. Мүң, ханты па вухаль ясэңнанэн ханшты ёх,

па округ луваттыин вэлты мир Владимир Шесталов иса нэмты питлэв. Лүв ардал хув нэпэт мир сэмн сащты па вэлты питлэйт.

Лүв рэтлала шалэң ясэңэт китлүв, тэм шөкэң хятлэти мүн нын пидана вэлдүв.

**«Ханты ясэң»  
па «Луима сэри-  
пос» газетайнэнэн  
рэпитты ёх,  
Ёмвошн па округ  
луваттыин  
вэлты мир**

# Песиковат рэт эвэлт айлат ёх

*Сэрханд хэнтэт – щит хэтл етты пелак хуца вэлты хэнтэт. Дыв Лямин, Пим, Тромъеган, Аган па Юхан юханят хонан вэлдэт.*

Лямин юхана сэрханд хэнтэттэп XIX-мит нэпэт тэм мўвн шушмащсат. Мет сыры вөн па ай юханнэн эвэлт Песиковат рэт юхтас. Тэм хэнтэ рэт олан меттэса Аграфена Сопочина «Сказки, рассказы с реки Ляма» киникайн ханшад. Тэм рэт Каюковат рэт эвэлт мәнәс. Дыв вой вэлдәсләсат па вүдэт тайсат.

Тэм киникайн Аграфена Семёновна ханшас, муй паты дыв рэтәл шәка хойс. Вантэ, и йис путәр эвэлт уша йис, хэнтэ Вэнт Ими лупас: «Песиковат рэтн шимл пух сема пите ты пилт, щирн айдтыева тэм рэт шеңк ая йил».

Юхан хонан вөлүм хә Пётр Семёнович Курломкин лупас:

*– Песиковат рэт пәрәс, вантэ, хэнтэ тэм рэт эвэлт и хуят Советской*

*лащ пурайн хэнтэ ләнхэт йира вўты нэтәс, щирн щит рэт пелы Тәрум Ащем дькәшәс.*

*Хәшүм Песиковат Лямин па Пим юханнәна касәлсат, щәта айдтыева яма вэлты щит пите.*

Тэм ванән вөйт дор тыләшн мўң, Лянтор вошәң хэнтэ музей рәпатнекәт, Песиковат хуши мойна яңхсүв. Кәша Вячеслав Яковлевич шеңк ар йис путәр, моньш, ар вөл, щитәт мўң нух ханшсүв. Тэм хә имед па нявремдәд пилә кәт Холуп па Сәсы юханнән тый хонан вөлдәт. Щәта хотәт, ампарәт омәсләт. Хот тәм йис щирн омәссы. Кәша хә лупас, дыв кәт ол мәр хот омсәс. Лащкам хот лыпийн карты кәр вөл. Хот пўңәдн лупас, певәлтхот па арсыр утәт лавәлман тайты щира әд



хотәт вөлдәт.

Вячеслав Яковлевич Сэрханд район Дарко-Горшково кәртән 1965-мит одн сема пите. Ащел, Яков Ефимович Лозямов, Касум юхан эвэлт, әңкел, Евдокия Семёновна, Пим юхан эвэлт. Дын хўв ән вәснән, щирн айтәдн Слава-пухие щәщелдн па щәтыщәщелдн енмәлса. Паспорт әша холумтты пурайн Вячеслав әңкел Песиков опрашнем вўс. Вантэ, Песиков опрашнем тайты ики шимдә йис. 1989-мит одн Юган хонан вөлүм эви Зоя Лянтинә имия вўслә. Хәлүм няврем сема пите. Леонтий пухд па Наста эвәд пухнән тайләнән, щирн Песиковат рэт елды мәнәс. Дыв худыева вўт кәртән вөлдәт, воша тәп летут па мосты пурмәсәт ләтты щира яңхләт. Зоя Егоровна нянь кәрн нянь падәл, кәр сухта эвәлт верәс. Вячеслав Яковлевич пәнәт пәндыл, тәп тәм йисн щит хўв

тайты кеша карты кел эвәлт верл. Рўтышуман хидыдала йис путәр, моньшәт моньшәд.

Вячеслав әшколайн вәнлтылүм пурайн ариты вер сәмәңә тайты пите. Әшкола етшуптумад юпийн сәма рәхты вер олан ар ханшәс па арийс. Вантэ, щит пурайн Зоя Егоровна Угүт рәт кәрта мәнәс, Вячеслав дыв такләдә верә мәрәмәты пите. Тәм хэнтэ ики емәң арәт әнт арийл, тәп вөлүпсәд олан арәт верл. Хэнтәт лупдәт, емәң арәт муй якәт ән вөләнки, ад ария па ад яка.

Юволәнән Вячеслав Яковлевич лупас, кашәң хәннәхә дыв йис рәтләд олан вәты мосл, вантэ, дыв иса лавәрт пурайн нәтләт.

**Татьяна ЛОЗЯМОВА,  
Лянтор вошәң хэнтэ музей рәпатнек**

**Хэнтэ ясәңә  
тулмәштәс Людмила  
СПИРЯКОВА**



**Ханты ясанг**  
(Хантыйское слово)  
№20 (3416), 24.10.2014

**Соучредители**  
Дума, Правительство  
Ханты-Мансийского  
автономного округа – Югры  
**Издатель**  
Департамент общественных  
и внешних связей Ханты-  
Мансийского автономного  
округа – Югры

**Редакция**

Главный редактор –  
**Решетникова Р.Г.**  
Телефон (3467)33-36-82

Заместитель главного  
редактора – **Вах Н.И.**  
Телефон (3467)33-24-02

Ответственный секретарь –  
**Новыхова Н.В.**  
Телефон (3467)33-24-02

**Адрес редакции и издателя:**

628011, г. Ханты-Мансийск,  
ул. Комсомольская, 31  
тел./факс (3467)33-17-52  
**E-mail: luima@ugracom.ru**  
Газета размещена на сайте  
**www.khanty-yasang.ru**

**Отпечатано:**

ОАО «Издательский дом  
«Новости Югры» г. Ханты-  
Мансийск, ул. Мира, 46.

**Подписано в печать:**

по графику 22.10.2014 г.  
в 15.00.; фактически  
22.10.2014 г. в 15.00.  
Индексы **04393, 54393**  
Тираж 2210 экз. Заказ 1412.  
Цена свободная

Газета зарегистрирована  
Управлением Федеральной  
службы по надзору в сфере  
связи, информационных

технологий и массовых  
коммуникаций по  
Тюменской области,  
ХМАО-Югре и ЯНАО.  
Свидетельство о  
регистрации ПИ №ТУ 72-  
00796 от 23 января 2013г.  
Мнение авторов  
публикаций не  
обязательно отражает  
точку зрения  
редакции.